

Колхоз СЮРЕС

ВКП(б)-лэн Кезской Райкомезлэн но Райисполкомлан органы

Пятница

4

АВГУСТ

1939 ар

№ 72 (1266)

8-тй арзэ потэ

Дуныз 5 копейка

Районысьтымы котькуд трудящойлы

куиньметй пятилеткалэн (кыктэтй араз

поттэм) заёмлы подписчикен луыны

кулэ.

Заём вёлдонзэ образцово ортчытоно

Советской союзысь колхозник'ёс, колхозницаос, служащойёс но вань трудящойёс куиньметй Сталинской пятилеткалэн (кыктэтй араз поттэм) заёмез бадзым шумпотонэн пумитазы. Виль заёмез поттон сярысь правительстволэсь решенизэ тодыса СССР-ысь вань трудящойёс — ужасьёс, колхозник'ёс, служащойёс огмылкыдын заёмез вёлдон уж борды кутскизы.

Советской государственной заём'ёс трудящойёс пöлы бадзым популярносген пользоваться карыскы. Социалистической родинасьтымы котькуд трудящойся адями тодыса улэ, что советской заём юматэ советской союзлэсь обороноспособность, вооружать каре выль техникаен сельской хозяйствоез но социалистической промышленности. Соин ик асьмелэн сясыкасысь родинамылэн котькуд гражданизэ советской заёмлы мылыськыдысь гошке.

1938 арын заёмлы гошкем'ёс составлять каризы 5 миллиард но 887,4 миллион манет, кудиз выпускной суммаезлэсь 88,74 миллион манетлы выль луиз. СССР-лэн коньдон ужпум'ёсыз'я Наркомез Зверев эш СССР-лэн Верховной Советезлэн нырысетй созывелэн куиньметй сессияз шуиз: уката ик пус'ёно селоосын подпискалэсь азинлыкы мынэмзэ. Трос ар'ёс жоже государственной заёмёслы гоштыскон составлять карылиз 600-700 миллион манет, нош куиньметй пятилеткалэн заёмез'я, со вуиз 900 миллион манетозы. Татын адзискиз колхозной стройлэн юматэз но колхозник'ёслэн зажиточностьсылэн будэмзы.

Туэ арын заёмез вёлдон'я бадзымезь азинкем'ёсты бастыны эшшо но условиясы тросгес. Соны понна массово-раз'яснительной ужез гинэ кулэ умой нуыны.

Виль заёмлэсь значенизэ пумозыз валаса но заёмлы гошконзэ долген ляд'яса асьмелэн районысьтымы тросэз колхозник'ёс, колхозницаос но служащойёс заём-

лы гошконзэ образцово ортчыто. Александровской сельсоветысь Б-Олып колхозысь колхозник'ёс но колхозницаос 2 август азелы заёмлы 3,470 манетлы гошкызы. Та пöлысь 280 манет соку ик коньдон тыризы. Колхозник'ёс Бутолин Василий Иосифович 100 манетлы, Ярунь колхозысь колхозник Кайсин Федор Поликарпович 100 манетлы, Семенов А. Ф. 80 манетлы но Андреев В. И. 50 манетлы гошкызы. Та верам мурт'ёс заёмлы коньдонзэ гошкыкузы ик 100 процентлы тыризы. Заёмлы гошкон озы ик азинлыкы мынэ Дырпа но Тортымской сельсоветысь колхоз'ёсын но. Заёмез вёлдон'я уполномоченной Игнатев Константин Петрович 100 манетлы, Дементьев Ф. А. 50 манетлы, Хохряков С. А. 50 манетлы, Марков Д. А. 60 манетлы гошкызы, но коньдонзэ соку ик тыризы.

Районысь, Доротдельсь, ВКП(б) райкомысь, НКВД-лэн райотделениысьтыз ужасьёс заёмлы толзёем уждунзылы гоштыськызы.

Заёмез вёлдон ужын азинскон'ёсын чош ик вань тырмытэос но, РОНО-ын, Сельхозснабын, Леспромхозын но Поломской, Стеньгуртской, Б-Кезской сельсовет'ёсын заёмлы гошкон туж ляд мынэ. Леспромхозысь жыныез но ужасьёс охватить карымтэ заёмлы гошконэн. Нош РОНО та ужез 10 августозь кыскытыны малпа.

Та тырмытэосты луэ валэктны соин, что партийной, советской-комсомольской но профсоюзной организациос, ужасьёс пöлын массово-раз'яснительной ужез тырмыт уг нуо.

Заёмез вёлдон'я население пöлын агитационно-массовой ужез образцово пуктоно. Колхозник'ёс, колхозницаос, ужасьёс но домохозяйкаос пöлын заёмлэн значениз сярысь валэктон ужез нуналмысь нуоно.

Районысьтымы котькуд гражданин куиньметй пятилеткалэн (кыктэтй араз поттэм) заёмлэн подписчикеныз луыны кулэ.

Виль заём поттэмез зечкылало

Государственной банклэн Кезской отделениезлэн сотрудник'ёсызлэн коллективез виль заёмез поттон сярысь правительстволэсь решенизэ бадзым воодушевлениен пумитаз.

Заёмез поттон сярысь правительстволэсь решенизэ радио пыр верам бере ваньзы ик огмылкыдысь виль заёмлы гошкон борды кутскизы. Та нуналэ банклэн отделенияз 22 мурт ужасьёслэн заёмлы

гошкемзы месячной уждун'я 94 процент составить каризни. 14 мурт заёмлы месячной уждунлы гошкызы. Ваньзэ 5.425 манетлы гошкемын.

Банклэн отделенияз ужасьёс заёмлы гошконэн вызвать каризы РИК-ысь, Райзо-ысь но Леспромхозысь ужасьёсты.

Ванев, Шкляев.

Ленинградской областысь, Старорусской районысь „Согласие“ колхозлэн бригадирез — овощеводзэ П. И. Смирнова, кудиз награждать каремын „За трудовую доблесть“ медален, юматэмьн Всесоюзной сельскохозяйственной выставккае участницаен.



Суред вылын: П. И. Смирнова кибистазэ эскертэ.

Пудоос рекордист'ёс

Выдающийся стахановской рекорд'ёсын выставкаын возматэмьн социалистической пудо вордон. Сумской областись, Штеповской районысь Сталинлэн нимыныз ниам колхозысь доярка О. П. Щербина аслэстыиз „Лента“ скалэзлэсь 300 нуналскын 12,623 литр йёл бастыиз. Киевской областысь, Катеринопольской районысь „Ведетень“ колхозысь М. А. Марчук одиг свиноматкалэсь арскын 28 парсьпи бастыиз. Московской областысь тодмо кроликовод С. А. Тачанкин арскын одиг кроличалэсь 173 кролик бастыиз.

Государстволы коньдон тыронзэ азинлыкы быдэс'яло

Дырпинской, Сыгинской но Поломской сельсоветысь тросэз колхоз'ёс государстволы коньдон тыронзэ азинлыкы быдэс'яло. Дырпинской сельсоветысь В-Дырпа колхозысь колхозник Васильев Александр Иванович коньдон тырон планзэ 100 процентлы ик быдэстыз. Та колхозысь ик колхозник'ёс Каракулов Дмитрий Константинович но Марков Данил коньдон тыронзэ 50 процентлы быдэстызы.

Озы ик Поломской сельсоветысь Сыгатупал колхоз но коньдон тыронзэ тырмыт быдэстыз ни.

Биянов.

Куиньметй Пятилеткалэсь Государственной Заёмзэ

поттон сярысь

(Кыктэтй арезлэн выпускез)

СССР-лэн Народной Комиссар'ёсызлэн Советсылэн Постановлениез

Куиньметй пятилеткалэн планэзлэн хозяйственно-культурной строительствоезлэсь задачаосэз быдэстыны но страналэсь обороназэ кужмотон понна населенилэсь сбережениоссэ привлечь карон целен, СССР-лэн Народной Комиссар'ёсызлэн Советсы пунктэ:

1. Куиньметй Пятилеткалэсь Государственной Заёмзэ (кыктэтй арезлэн выпускез) 6 миллиард манетлы поттоно.

2. Заёмез 20 ар сроклы поттоно—1939 арлэн 1 декабрьсеныз 1959 арлэн 1 декабрьяз, арлы 4 процент тулатоно.

3. Заёмлэн облигациосыз

но соослэсь бастыно доход'ёс, соос пöлын ик утон'ёс государственной местной налог'ёсын но сбор'ёсын обложить каронлэсь мозмытыско.

4. Куиньметй Пятилеткалэсь Государственной Заёмзэ (кыктэтй арезлэн выпускез) поттон Условины, куд'ёсыз представить каремын СССР-лэн финанс'ёс'я Народной Комисариатэныз, юматано.

СССР-лэн Народной Комиссар'ёсызлэн Советсылэн Председателез В. МОЛОТОВ.

СССР-лэн Народной Комиссар'ёсызлэн Советсылэн управделез М. ХЛОМОВ. Москва, Кремль. 1 августэ 1939 г.рн.

Заёмлы гошкон умой мынэ

Александровской сельсоветысь колхоз'ёсын заём сярысь массовой раз'яснительной уж умой пунктэмын. Б-Олып колхозысь первичной партийной организацилэн секретарез Бутолин В. И., та уж котыре зёмос кутскизы. Соин ик та колхозын заёмлы гошкон но бадзым азинлык'ёсын ортче. 3 август азелы сельсовет'я 14.600 манетлы заём-

лы гошкемын. Нош кылем арын заёмлы гошкон 8.300 манетлы гинэ ортчытэмьн вал.

Заёмез вёлдон ужез ортчытыны Александровской сельсоветэ Райсберкасаысь Волкова эш ыстэмьн вал. Нош со та ужез бжит но возглавить 'ёз кары. Со интые Васильевской починокын лымбыт гуртаса улыз.

Мосов.

Етын ишконлэн но зег аранлэн мынэмез сярысь райзолэн 1-тй август

азелы

СВОДКАЕЗ

(процентэн вераса)

Сельсовет'ёс	Етын ишон	Зег аран
Кез	15,8	6,3
Юски	16,0	19,0
Камыжево	32,8	3,5
Кузьма	44,4	10,3
Ст-Сири	64,1	5,2
Тортым	79,4	9,3
Уди	57,9	6,6
Пихтово	11,5	1,1
Пужмезь	20,2	2,9
Стеньгурт	20,0	1,8
Сыга	35,8	7,1
Полом	11,5	11,3
Пинькай	31,7	22,7
Александрово	15,3	3,6
Дырпа	22,4	0,04
Озон	38,6	13,2
Ваньмыз	33,7	7,9

Липовка колхозын агитмассовой уж умой пунктэмын

Сиринской сельсоветысь Липовка колхозын массовой уж умой пунктэмын. Колхозлэн правлениез агитаторе В. П. Поздеев эшез вис'яз. Поздеев эш аслэстыиз ужез яратэ, колхозник'ёс но колхозницаос пöлын вискарытэк массово-раз'яснительной ужез нуэ. Массово-раз'яснительной ужез нуон ласянь Поздеев эш план лэстыиз.

Та колхозын газет'ёслы но журнал'ёслы гошкон но азинлыкы ортчытэмьн. Котькуд колхозной двор газетэз яке журналэз басты.

Массово-раз'яснительной ужез умой нуэмен, но колхозник'ёслэн но колхозницаослэн октон-калтонзэ вакчи дыре но выль качествен ортчытонлэсь значенизэ валамьнызы та колхозысь тросэз колхозник'ёс ужам нормаоссэ мултэсэн быдэс'яло. Поздеева Мария Григорьевна 0,10 га интые 0,13-14 га етын ишке. Етын ишконын но зег араны озы ик нормаоссэ мултэсэн быдэс'яло Поздеева Антонида Константиновна но мукет'ёсыз.

Т. Трефилов.

ПАРТИЙНОЙ ПРОПАГАНДАЕЗ ВЫЛЭ ЖУТОНО

ВКП(б)-лэн Центральной Комитетэз, и лично Сталин эш бадзым вниманизэс вис'яло асьме партимылэсь кадр'эссэ, Марксистско-Ленинской теориен вооружить карон ласянь.

Асьме Советской Союзы выжиз развитилэн выль ступеняз—социализмез лэсьтонлэн завершить кароназ но социализмьсь коммунизме постепенно выжоназ. Соин ик Сталин эш ВКП(б)лэн XVIII с'ездаз вераз „нош шонер политической линиен улонэ пыртыны понна кулэ кадр'эс, кулэ адямиос, куд'эсыз валало партилэсь политической линиен, воспринимать каро сое асьсэлэсь собственной линиен кадэ, сое уже пыртыны дасэсь, сое уж вылын быдэсьяны быгатисэсь но быгатисэсь со понна отвечать карыны, сое защищать карыны, со понна нюр'яскины“. Та указаниосты уж вылын быдэсьян ла сян райком'эсын агитация но пропаганда отдел'эс кылдытэмын.

Кезысь ВКП(б)-лэн райкомезли кулэ вал жегатскытэк аслэсьтыз агитация но пропаганда отделэз выль уровеньем, политически развитой но социализмлы преданной кадр'эсын обеспечить карыны. Озы ке но али дыре агитация но пропаганда отделэз кадр'эсын обеспечить карымтэна.

Агитация но пропаганда ласянь та бадзым тырмытэез соин гинэ валэктны луэ, что пропаганда ужез нуоилы ВКП(б) райкомлэн секретарь'эсыз тырмыт вниманизэс уг вис'яло. Пропагандист'эслы

кулэ дуись юрттэт уг сето, соосты ужысьтызы чем вош'яло. ВКП(б)-лэн райкомез Дмитриева эшез пропагандистэ кутылэз но кема ик улытэк нош ик райпотребсоюзэ ужаны ыстиз. Апрель толэзе ВКП(б) райкомлэн решениеныз Ложкин Дмитрий Демьяновичез пропаганда уж дуре кутэм вал. Сое каждой нунал контролировать кароно вал нуналлы быдэ уж сэт'яса.

Ложкин Д. Д. со почетной обязанностиэз өз вала, соин ик лэзькиз политической обывательлэн уровеньэиз. Аслаз ужаз чем дыр'я юьса ветлылэз.

ВКП(б)-лэн райкомез 25 июле Ложкинэз юьса, прогул лэсьтэмез понна но агитатор'эсын курсэз ортчытонэз сорвать каремез понна пропаганда ужысьтыз куштиз но низовой ужын использовать карыны пуктитэз.

ВКП(б) райкомлэн агитационной пропаганда отделэзлы тае азыпала лыдэ басытыса но урокен карыса асьме районамы партийной пропаганда нуонэз жегатыськытэк умоятоно, но партийной пропагандаз выль жутоно ВКП(б)-лэсь историзэ самостоятельно изучать карысь'эслы бадзым юрттэт сетоно.

Та уж дуре кысконо выль уровнем но политически развитой, социализмлы преданной кадр'эсты

Социалистической земледелилэн рекорд'эсыз

Гектарысь 512 пуд чабей

Италийн гектарысь 83 центнер чабей басытэмын. Со мукет кунин'эс земледелилы характерноен джыт но уг луы. Таче рекорд'эс асьмелэн обыденной явлениосын луэ. Знаменитой Ефремовец И. Е. Чумаков, гектарысь 512 пуд чабей басытэз. Со Алтайн, кытын выль удалтонлыкэз басытэсь Ефремовской звеноос сюрсэн лыд'яско ни. Страналэн мукет палаз — Крымн тачеэс ик адзылымтэ урожай'эс — Крымской АССР-ысь „Большевик“ зерносовхозлэн бри-

гадирез П. А. Леван эш гектарысь 80 центнер чабей басытэ. Сталинградской областысь Харабалинской районьсь „Красной партизан“ колхозлэн бригадирез В. И. Олейников 17 гектар'ем поливной участокусь шорлыдын вераса котькуд гектарысь 73 центнер валэс чабей басытэз. Суровой Якутиньсь Вилобской районьсь Н. С. Топыгаров гектарысь 117 центнер йыды басытэз. Европаын но Америкаын таче удалтонлыкэз жынызэ но уг басыто.

Трактор'эс ужатэк сыло

Кезской тракторной бригадалэн трактор'эсыз вить, но соос ваньмыз уг ужало. Тракторист'эс: Белослудцев А. С. но Булдаков Д. А. 21 июле гуртазы бертйзы. Соин сэрэн 21 июльсен 27 июль'эз Булдаковлэн но Белослудцевлэн трактор'эсыз ужатэк сылызы. Озы ик кылемез но 3 трактор'эс запасной часть'эс овблэн но ремонтировать карымтэен ужатэк сыло.

Кезской МТС-лэн директорез Невоструев эш но МТМ-лэн старшой механикез трактор'эсты дыраз ремонтировать кароно трактор'эсты кулэ дуись часть'эсын обеспечить кароно сырысь уг сюлмасько. Соин ик предпосевной гырон бере кыле.

Аникин.

Сыгинской тракторной бригадалэн бригадирезлэн заместителез Ложкин Григорий Андреевич трос дыр'я ужандыр'эз кыса орчытэ. Соин ик трактор'эс куд-ог дыр'я 2-3 нунал ужатэк сыло. Тракторной бригадалэн бригадирез трактор'эслэсь ужатэк сылэмзэс тодыса но нокуке ужрад өз куты.

Ефремов Аркадий.

Селькор'эслэн гожтэт'эсыз

Пужмезской сельсоветысь Вортча колхозысь скал'эсты но парсь'эсты уятлон умой организовать карымтэ. 1938 арын Вортча колхозлэн пудо-ез сюдыны 3 тонна котыр колхозной картовкаез кельтэмын вал. Колхозлэн председателез 3 тонна картовкаез пудоослы өз сюды, гужемозь губечын возиз. Али та 3 тонна картовка ярантэм сисьмемн ни.

Пудо вордонэз умой организовать карымтэен та колхозлэн государстволы йбл тыронэз но бере кылыса мынэ.

Ончуков В. О.

Адымигурт колхозлэн председателез Роготнев В. М. кутсаськон машинаосты дырыз дыр'я тупат'ян сырысь уг сюлмаськы. Та колхозлэн вань 6 робоосыз но кутсаськон машинаосыз, нош соосты тупат'ямтэ.

Аникин.

Пужмезской сельсоветысь Мучкомувыр колхозысь колхозник Трефилов Степан Григорьевич государстволы коньдон тыронэз 17 июль'эз 100 процентлы ик быдэстиз.

Трефилов С. Г. озы ик мукет'эссэ но хозяйственно-политической уж'эссэ дырыз дыр'я быдэсья.

Трефилов В. Г.

Кузьма сельсоветысь лесник Скачков Иван Самойлович аслаз служебной положениеныз пользоваться карыськыса государственной муз'емез но покосэз ас понназ киултэ но единоличник'эслы сэт'я. Туэ аре тулыс кизэн дыр'я гектарлэсь но трос муз'емез Скачков И. С. единоличниклы Скачков Родион Матвеевичлы сэт'из И. С. Скачков озы ик гектар котыр колхозной возез но Скачков Яковлы вуаз.

Куйбышевской областысь утемовской районьсь колхозник'эслэсь приусадебной участок'эссэс мертан.



Суред вылын: „Стальной пахарь“ сельскохозяйственной артелись колхозничалэсь М. Е. Течкиналэсь приусадебной участокэз мертан. Паллянысен буре: райисполкомлэн представителез — землеустроитель М. К. Мельников, М. Е. Течкина но обмерщик—колхозник П. Ф. Шадрин.

ГЕРМАНИЫН ВООРУЖЕНИОСЛЫ РАСХОД'ЭС

„Эрон Нувель“ французской журнал вооружениослы германской расход'эс сырысь статья поттиз.

Германской бюджетын доход'эслэн бадзым люкетэз луо налог'эс, куд'эсыз официальной данной'эс'я 1938—1939 ар'эсын 17,4 миллиард марка составить карызы. Доход'эслэсь бадзым статьяез заем'эс составять каро. 1938 арлэн 1 апрельсеныз 1939 арлэн 30 мартояз заем'эслэн общей суммазы 10 миллиард 820 миллион маркаозь вуиз. Бюджетлэн доходной часть'эсыз бадзым люкетэз составлять каро конфискаци-

ос но контрибуциос, еврей'эслэсь имуществоозэс конфисковать кароно 500 миллион марка сэт'из, неарийец'эслэн „экономической“ улонысьтызы, ичизэ вераса, 250 миллион марка доход басытэмын: „тоналтэ юрттон'эслы“ кужмысь сбор'эс 400 миллион марка сэт'изы но мукет.

Журналлэн верамез'я, германской бюджетлэн доходной частезлэн общей цифраез 32,5 миллиард марка луэ. Нош расходной люкетэз—37 миллион марка. Журналлэн лыд'яме'я вооруженилэн расход'эсызлы 25 миллиард марка мынэ.

Германской войскаос южной Тироле пыризы

Варшава, Али тодмо луэмын ни, что Италиэн иностранной уж'эсыз'я министрлэн Чианоэн 5 июле Венае ветлонэз дыр'я итало-германской договор гожтэмын вал. Та договор'я германской войскаос Южной Тиролез басыто. Бренерысь басытэм сведениос выль пыкиськыса, „Курьер польски“ ивортэ, что берло дыре германской армиэн моторизированной часть'эсыз итало-германской граница

вамен потйзы. Южной Тиролеьсь вань иностранец'эс келямын. Тиролеьн али баварской стрелок'эслэн бригадазы сылэ. Германской Генеральной штаб Германилэн западной границаез 37 дивизиосты гинэ кельтыны косэ шуыса ивортэ. Мукет'эсыз часть'эс Востоке келямын луозы. Транспорг но 80 процентэз али Восток пала мынэ.

(ТАСС).

Чан-Кай-шилэн статьяез

Чунцин, 26 июле (ТАСС). Чунцинын опубликовать каремын Китайлэн международной но внутренней положениеныз сырысь Чан-Кай-шилэн статьяез.

Али дыре,—вера Чан Кай-ши,—противник предатель'эслэсь юрттэт утча но Китайез дружеской странаослэсь копак вис'яны туртске. Японилэн мукет странаослэсь вис'яны туртскыса кышкат'яскемез но Китайысь предатель'эслэсь юрттэт утчаемз Китайлэсь решимостьюэ гинэ юнматэ.

Ми куиньметй арэз нюр'яськыськом ни. Милям нюр'яськомны страналэн улонэз понна священной нюр'яськонэн луэ. Ми Японилы пумит асьме кужымен нюр'яськоно луиськом.

Китайской правительство коньдон системаез юнматонлы ужрад'эс кутиз ни. Эк-

спортэз кужмоятэмен но импортэз кулэстэмен китайской экономика юнма. Чан-Кай-ши ас заявленияз гожтэ „куке ачид нюр'яскид ке, соку мукет азысь юрттэт басытыны быгатод“.

США но Япония куспын вузкарон ужпум'я договор быдтэмын

Вашингтон, США-лэн государственной департаментэз Японилы нота ыстэмез сырысь ивортиз. Со нотаын США но Япония куспын 1911 арын вузкарон ужпум'я гожтэм договорез расторгнуть карем сырысь ивортиське.

Отв. Редактор Н. ДАНИЛОВ

Поттись райисполком



ВСЕСОЮЗНАЯ
СЕЛЬСКОХОЗЯЙСТВЕННАЯ
ВЫСТАВКА

ПРЕВРАТИМ АГРОКОМПЛЕКС
В ПЕРЕДОВУЮ ОТРАСЛЬ
СОЦИАЛИСТИЧЕСКОГО ЗЕМЛЕДЕЛИЯ.

Снимок: В. Г. но Б. М. Фридкин художник'эслэн плакатсы, Всесоюзной сельскохозяйственной выставканыз главной комитетэныз поттэмын.